

宋江三十六人考實序錄

宋宣和間，宋江以三十六人橫行河朔，轉略十郡，官軍莫敢嬰其鋒，固盜賊之雄也。招降之後，從征方臘，又能爲國殺賊，以功自贖，此其才誠有大過人者。而東都事略及宋史，記之不詳，僅略見於徽宗紀及侯蒙張叔夜傳耳。惟宣和遺事具載其始末，然讀者以其爲小說也，謂所記不可爲據，故不信江嘗征方臘，並不信其曾結誓於梁山。

案宣和遺事，雖出於宋元間，距宣和時已遠，然其書實有所本。吳自牧夢梁錄謂：『說話者有四家數，小說名銀字兒，如烟粉、靈怪、傳奇、公案、朴刀、桿棒、發發踪參之事』，發發踪參四字不可解，姑仍之。又有談經、講史、商謎三家，見卷二十。周密武林舊事卷六，記諸色伎藝人，亦有此四家。其所講之書，謂之話本。自牧謂『凡傀儡敷演烟粉、靈怪、鐵騎、公案、史書、歷代君臣將相故事話本』，又謂『影戲話本與講史書者頗同，大抵真假相半』，是也。宣和遺事蓋合小說講史兩家話本若干篇爲之，故前後頗不聯貫。其演宋江公案者，當屬於小說家，殆南宋人所爲也。

宋高宗偏安江左，歌舞湖山，尤喜小說。繫年要錄卷一百六紹興六年注引趙姓之中興遺史曰：『睿思殿祇候李綱者，能謳詞，善小說，主養飛禽』。武林舊事卷六記小說人朱脩孫奇隸德壽宮，皆其證也。三朝北盟會編卷一百四十九云：『紹興元年十二月，邵青受招安。先是杜充守建康時，有葉義郎趙祥者，爲青所得，青受招安，祥始得脫身歸，乃依於內侍綱。綱善小說，上喜聽之。綱思得新事，編爲小說，乃令祥具說青自聚衆已後蹤跡，并其徒黨忠詐』

及強弱之將，本末甚詳。編綴次序，侍上則說之。故上知青可用，而喜單德忠之忠義。單德忠爲鄆青都下統制，官，勳貴受招安者。可見小說喜演盜賊事，所謂鐵騎公案也。邵青區區水寇，人尙生存，猶得編爲話本，況宋江之聲稱赫然者乎；其綴成小說，流行民間，無足怪者。

夫話本既真假相半，自不得純構虛詞。故宣和遺事記花石綱生辰綱閻婆惜事，雖未必曲折如真。至於江等入梁山濼落草爲寇，及受招安征方臘，則必不容誣。然遺事之寫宋江，反不如內侍綱所編邵青蹤跡之詳。蓋其書本講史之體，意在演說南北宋興亡，不爲宋江而作，故取小說家梁山濼話本，刪除穢詞，存其大都耳。楊維禎東鑑子集卷六有送朱女史桂英演史序曰，『朱氏名桂英，家在錢塘，世爲衣冠舊族，善記稗官小說演史於三國五季，因延致舟中，爲予說道君良嶽及秦太師事』。觀此可以知元代講史風氣，及宣和遺事之所由作矣。

宋江之徒黨，三十六人而已。至宋末，有偽撰江題壁詞者，造爲『六六雁行連八九』之語，詳本文是爲一百八人之說所由起，當亦出於說話人之手。元人雜劇頗襲演梁山泊故事，至元末明初水滸傳出，水滸傳撰人有數說，於一百八人，鋪敘尤詳。其寫宋江等事，與宣和遺事有合有不合。蓋遺事所據者三十六人話本，雜劇及水滸所據者百八人話本，又各以己意有所增飾，故不能盡同。胡應麟謂『施某於故書中得宋張叔夜擒賊招語一通，備悉一百八人所由起』者，見莊集談下妄也。本無一百八人，安所得招語乎。

宋江於招降後，即率師隨童貫討方臘，與劉錡等攻落源洞，破之，擒其僞將相，事見三朝北盟會編，十朝綱要，續通鑑長編紀事本末諸書。宣和遺事謂宋江歸順宋朝，收方臘有功，最得其真。水滸傳百回本，謂宋江先破遼，後擒方臘，已失其實。然宣和四年，童貫伐遼，楊志實將選鋒軍以從，即宋江之兵也。但此役敗而非勝，江又不在

行間耳。水滸移甲就乙，將後作前，固小說之常態，其事不可謂無因，疑爲宋元間說話人所增益，而水滸從之。至其他各本又有平田虎王慶兩事，則全出杜撰，毫無影響，蓋明代人所贗也。

胡應麟嘗記『嘉隆間某鉅公案頭左置南華經，右置水滸傳』，又『某名士爲水滸作歌，謂奄有丘明太史之長』，則水滸傳之盛行可知也。其後金聖歎以水滸擬史記國策，以施耐庵擬莊周屈原，其說即出於此。自費華堂評本出，其書益不脛而走。然聖歎僅能賞其文詞之工而已，於宋江事自引證宣和遺事及宋史綱目外，序中引二條，一題宋史綱目，一題宋史斷。不知是何書，疑卽聖歎以意爲之。不知有他書。惡熊文燦輩之以撫賊亡明也，遂刪去水滸招安以後事，由是人益不信宋江嘗征方臘。清

儒考證度越往古，至其考宋江事，除黃以周等續通鑑長編拾補外，大率與聖歎等夷耳。夫俗語不實，流爲丹青，昔賢所歎。今以學者著書立說，反不如俗語之得其實，豈不重可笑也哉。聖歎之惡盜賊，是也。然果欲使一百八人死於刑戮以示戒，則當自七十二回別行撰起，詳叙所以伏誅者，今但僞撰盧俊義一夢，謂『晁叔夜於夢中將百八人，一齊處斬』，以此草草結局。夫夢寐之事，果足以示戒也乎。是尙不如舊本叙江等多以不良死者爲得也。

且夫宋江等，盜也。人苟非飢寒冤痛，瀕於死亡，孰肯甘心爲盜者。上失其道，暴征重斂，刑窮勢迫，挺而走險，孰使斯民棄百事不爲，而獨至於爲盜者哉。夫傷人及盜抵罪，殺人越貨，不待教而誅，古今之大法也。既已囑聚草澤，却殺不辜，則雖取而駢誅之不爲過。然既陷於罪，然後從而刑之，固仁人所宜哀矜者。況其人本不死，而吾生數百年後，追仇其枯骨，是亦不可以已乎。以宋徽宗之爲君，蔡京童貫輩之爲臣，皆民之寇讐，國之蠹賊也。不此之責，而獨責一宋江，可謂不充其類矣。由是觀之，作水滸者，毋亦藉宋江之事，一洩其不平之氣也乎。而僅痛斥京貫，反頌徽宗爲聖明，猶是詩人忠厚之意云爾。

宋江轉掠十郡，而未嘗據地自王，蓋僅草閒偷活，無取而代之之心。水滸寫江方爲盜賊，而以忠義自許，固自可笑。然亦上承南宋話本之舊。宣和遺事所載天書，已言使宋江爲帥廣行忠義殄滅奸邪矣。金聖歎以水滸爲深惡宋江者，非也。觀單德忠僅能勸邵青受招安，高宗已喜其忠義，況江承詔歸降，又能殺賊自贖，流俗人之以忠義許之，良不足異。三十六人者既降，其後乃有楊志之喪師，史斌之叛亂，疑卽史進詳見後則盜賊固不可用。然徽欽之時，據高位享厚祿者，不可勝數。及汴京之亡，不降則走，致金人歎息南朝死義者，惟李侍郎一人。梁山降將纔三十六人耳，而有一關勝焉，力戰不屈，卒爲奸賊所害，是梁山泊無負於國家也。雖以忠義許之，可也。

宣和遺事水滸傳，小說耳，置之不論，無害也。然既已膾炙人口，學者又從而考證之，顧不能得其實，是亦讀者之所深憾也。吾故詳引史傳以著其事，附加辨證以考其實，非爲水滸傳作也，亦非表揚宋江也，欲示吾黨之徒，以史學讀一切書之方耳。

吾昔年嘗爲宋江平方臘考，纔數千字，爲友人胡適之先生取去，並原稿失之，即亦不復措意。比來年衰多病，意忽忽若有所失，不能覃思著述，惟以閱雜書自遣。所得關於梁山黨之事日益多，聊復綴輯，以成此編，非敢謂果有益於史學也。既無所用其心，則姑寄意於此，賢於博奕而已矣。

中華民國二十八年己卯冬十一月武陵桃花源漁者余嘉錫序

目 錄

- | | |
|-------|--------------------|
| 三十六人 | 呼保義宋江 |
| 青面獸楊志 | 混江龍李俊 |
| 九紋龍史進 | 浪裏百跳張順 |
| 大刀關勝 | 黑旋風李逵 |
| 一直掙輩平 | 賽關索王雄 |
| 病尉遲孫立 | 沒羽箭張青 |
| 浪子燕青 | 鐵鞭呼延綽 |
| 船火兒張橫 | 女將一丈青 _附 |
| 梁山灤 | |

凡例

余作此文章創粗就，孫君子書楷第告我，嘗欲作梁山濼考未成，僅抄撮史志若干條，又從光緒壽張縣志內摹得梁山圖一幅，悉舉以畀我，並以康熙光緒兩縣志見借。遂取其圖列於篇首，采康熙志入梁山濼條下，並錄孫君考證一條於注中。蓋至是已數易稿矣。雖迭經修改，徵引差詳，猶以未得陳泰陸友仁兩詩出處爲憾。質之吾友陳援庵先生，爲從所藏所安遺集及元詩選內檢出見示。所安集抄本，余所未見。元詩選則曾翻閱而未得者也。因復采綴著於篇，並誌其事於此以志謝焉。大雅宏達，與吾同好，僥能匡其不逮，如二君子，是所望也。

史言宋江以三十六人橫行河朔，而不著其誰某。獨見於宣和遺事癸辛雜識，然姓名綽號，互有不同。誠齋樂府，采遺事作雜劇，此亦孫君子書見示者而其次第名號頗異。七修類稿所引雜識，又與今本大異。諸家考證，益治絲而棼，今著其異同，列爲一表，以清眉目。

此篇之意，在援引史傳以明稗官小說街談巷議之所由來，故凡三十六人姓名事蹟見於史傳者，悉加采取。按宣和遺事次第，分條臚列。然纔得十有四人耳。仍題爲三十六人者，舉其原數，以見所考不止宋江也。

宋江徒黨本只三十六人，其謂別有七十二地煞合爲一百八人者，乃後起之說，決不可信。故如七十二人中，彭圪李忠之徒，姓名雖見於史傳，概不采入。惟因龔聖與作燕青贊，有『太行春色，有一丈青』之語，諸家遂疑梁山泊中果有一丈青其人，此則淆亂事實，不可以不辯。今具列建炎初馬皋妻一丈青之事，附於十四人之末，以祛其

感。

凡人之綽號，皆取俚俗打諢之語，故曰諢名。三十六人綽號，人多不曉。考之宋人俗語，往往可解，輒臚舉例證，加以詮釋。至於明白易解者，不復詞費。其所不知，蓋闕如也。

宣和遺事於宋江及三十六人之外，尙有一丈青李橫一人。遺事謂宋江作梁山濠首領時，晁蓋已死，若其說可信，似當以李橫補其闕。考南北宋間實有李橫其人，嘗爲黃河掃兵，後入劉盜桑仲之黨，紹興初，仲爲襄陽鎮撫使，以橫知鄧州。仲死，橫繼其任，舉兵攻僞齊，復汝州潁昌府，遷京西招撫使。傳檄收復東京，旋爲僞齊所敗，併失襄陽。歸朝後，以其軍屬張俊。三十一年金主亮南侵，以橫權都統制，敗於瓜洲鎮。事見宋史高宗紀。建炎以來繫年要錄始見卷四十三終於卷一百九十五三朝北盟會編始卷一百五十五終卷二百三十八紀之尤詳。余嘗輯其事蹟爲一編，繼念橫本不在三十六人之內，史傳之李橫，是否即梁山之一丈青不可知。且其事又太多，僅繫年要錄一書已至三十餘條，嫌於喧賓奪主，故遂刪去，而記其大略於此。

此篇所列十有四人，除宋江外，考其平生事蹟，可確定爲梁山泊降將者，楊志疑卽史進二人而已。龔聖與贊大刀關勝，盛稱其義勇，亦可信其即濟南死節之關勝。其餘諸人，雖見於史傳，姓名時代亦復相合。然人之同時同姓名者正復不少。宋時武人，多喜名『勝』名『順』名『俊』名『平』名『橫』名『青』，而名『進』者尤多。哀各書所見，可得數百人。其名既如是之同，若其姓又爲張王李趙，則名氏皆易同，無由別其爲一人二人也。今於顯有可疑者，附著案語，餘但條舉事蹟，以俟論定。蓋與其過而廢也，寧過而存之耳。

凡考史事，須明其地理。宣和遺事及水滸傳，皆言宋江聚衆於梁山濠，其事雖不見史傳，然元人詩文中已明言之。

明清諸家地理書亦紀之甚詳，舊說相傳，決非誣妄。自明築沙灣以後，梁山之下，無復滴水，致啟後人之疑。故既備列諸家之說，復徵引史志，參互考證，以著其疆域，明其變遷焉。

宋江三十六人考實

武陵余嘉錫季豫甫撰

三十六人

宋史卷三百五十一侯蒙傳 宋江以三十六人橫行齊魏，官軍數萬，無敢抗者。

宣和遺事享集

士禮居刻本作上下兩卷，此據商務印書館活字本。

是時鄆城縣官司得知，帖巡檢王成領大兵弓手前去宋公莊上捉宋江。爭奈宋江

已走在屋後九天玄女廟裏躲了。那王成跟捕不獲，只將宋江的父親拿去。宋江見官兵已退，走出廟來，拜謝玄女娘娘。則見香案上一聲響，打一會時，有一卷文書在上。宋江纔展開看了，認得是儲天書，又寫着三十六個姓名。

姓名見後表

按宋江三十六人，史不言其姓名。僅建炎以來繫年要錄有一史斌爲宋江之黨，詳見後史進錄餘皆不可考。自宣和遺事

及魏聖與贊，始有三十六人姓名續號，然已大同小異。水滸傳演爲小說，與二書又不盡同。魏氏贊以宋江爲首

，遺事宋江在三十六人之外，而皆有晁蓋。水滸傳則首宋江無晁蓋。遺事明言宋江到梁山泊時，晁蓋已死。然

則所謂宋江以三十六人橫行齊魏者，固當無晁蓋矣。遺事又云，『宋江道，今會內只少了三人。那三人是花和

尙魯智深，一丈青李橫，黃刻本活字本作均作張橫，明刻一百二十回本忠義水滸傳引作李橫，今從之。鐵鞭呼延綽』。又云，『朝廷命呼延綽爲將統兵，搜

降海賊李橫等出師收捕宋江等，屢戰屢敗。朝廷督責嚴切，其呼延綽却帶領得李橫反叛朝廷，亦來投宋江爲寇。這三人來後，恰好是三十六人數足，而天書三十六人姓名內，無所謂一丈青李橫者。按史稱『宋江以三十六人橫行齊魏』，以者能左右之也。則宋江之外當尙有三十六人。遺事亦稱張叔夜招誘宋江和那三十六人歸順宋朝，則宋江自不在三十六人之內，而晁蓋已死，實只三十五人，益以李橫乃足其數。龔聖與贊無李橫杜千而有晁蓋者，非也。故三十六人姓名，當以遺事爲近是。特李橫名不在天書之內，宋江不當先知其姓名，此則記敘之疏。事本荒誕，無足深論。且遺事自相違伐之處不止此。如敘運花石綱十二指使有關勝，而天書內作關必勝；晁蓋等八個大漢，劫蔡太師生日禮物，有阮進阮通阮小七，而天書內作阮小七阮小五阮進皆是也。余欲考三十六人事實，不得不先考定其姓名，而諸書之參互如此。自郎瑛以下，爲之考證者，又自生荆棘，轉益譌謬。故列爲一表，附於此篇之後，覽者得以詳焉。

周密癸辛雜識續集上 龔聖與作宋江三十六贊并序曰，『宋江事見於街談巷語，不足采著，雖有高如李嵩輩傳寫，士大夫亦不見黜。余年少時壯其人，欲存之畫贊，以未見信書載事實，不敢輕爲。及異時見東都事略中載侯蒙傳有書一篇，陳制賊之計云，「宋江以三十六人橫行河朔京東，官軍數萬，無敢抗者，其材必有過人。不若赦過招降，使討方臘，以此自贖，或可平東南之亂」。余然後知江輩真有聞於時者。於是卽三十六人，人爲一贊，而敘體在焉』。

贊不錄

龔聖與，字聖予，號翠巖，山陽人，博學好古，游戲翰墨，爲山水人物尤卓絕，事蹟見程敏政宋遺民錄卷十引姑蘇志，及吳萊桑海道錄序。此序載淵源集卷十二 此三十六贊，蓋自書而自贊之，所謂高如李嵩輩傳寫者，言傳神寫

照也。意謂爲宋江等作圖書，前人已有爲之者，非自我作古耳。近人據此以爲高如李嵩有寫梁山泊故事之書，非也。聖子生於宋末，其時民間所傳江輩軼事必尙多。聖子以爲街談巷語，不足采著。而士大夫著述，如續通鑑長編之類，又復流傳未廣，聖子蓋未之見。故僅就東都事略所載者，想像而爲之贊，不足見江輩生平。特所著姓名綽號，爲足資考證耳。

陳泰所安遺集補遺江南曲序 余童卯時，聞長老言宋江事，未究其詳。至治癸亥英宗至治三年秋九月十六日，過梁山泊舟

，遙見一峯，巉巖雄跨，問之篙師曰，此安山也。昔宋江事處，按此句絕湖爲池，闊九十里，皆蘆荷菱芡，相傳以爲宋妻所植。宋之爲人，勇悍狂狹，其黨如宋者三十六人，至今山下有分賊臺，置石座三十六所，俗所謂來時三十六，歸時十八雙，意者其自誓之辭也。始予過此，荷花彌望，今無復存者，惟殘香相送耳。因記王荆公詩云，『三十六陂春水，白首想見江南』。味其詞，作江南曲以叙游歷，且以慰宋妻植荷之意云。

案陳泰，字志同，號所安，茶陵人，元延祐二年進士，官龍南令卒。見卷末成化癸巳玄孫輩後序始余讀近人小說史略，見其引此序『宋之爲人勇悍狂狹』語，因求所安集觀之，而四庫全書本譚鍾麟刻本涵芬樓秘笈影印舊抄本，皆無此序。吾友陳援庵聞之，示我以所藏陸心源寫本。其卷末補錄詩十餘首，此序在焉。後有正德壬申來孫瑞麟跋，陸氏自言從成化本補寫，其實正是總本耳。因題采錄於此。序言其黨如宋者三十六人，可見江在三十六人之外，與宋史及宣和遺事並合。來時三十六，去後十八雙，亦見遺事，謂是宋江題於旗上之語，得此足以互相發明。遺事及水滸不言宋江有妻，今言宋妻植荷，尤可謂逸聞矣。考蘇魏公譚訓云，『曹門外一巷數十家，夏末，梁山泊諸道，載蓮子百十車，皆投此巷，鎚取蓮肉，貨於蓮子行』。魏公仁宗時人，則梁山泊之有荷花舊矣，咸池中之荷爲宋妻所植耳。乾隆一統志卷一百二

十九，『安山在泗水縣東南三十五里』。唐宋地理書皆不言有此山觀序所言分藏臺，似不在梁山而在安山，豈宋江當時分據兩山耶。序文既有脫誤，無以定之。

郎瑛七修類稿卷二十五 史稱宋江三十六人橫行齊魏，官軍莫抗，而侯蒙舉討方臘。周公謹載其名贊於癸辛雜志，羅貫中演爲小說。但貫中欲成其書，以三十六爲天罡，添地煞七十二人之名，又易尺八腿爲赤髮鬼，一直擡爲雙鎗將，以至淫辭詭行，飾詐眩巧，聳動人之耳目，是雖足以溺人，而傳久失其實也多矣。今特書其當時之名三十六於左。姓名見表

按郎氏此條，僅取癸辛雜識與水滸傳相較，考證殊不詳審。如七十二地煞之說，元曲中已有之。見後宋江條劉唐之綽號，宣和遺事已作赤髮鬼。而郎氏皆謂始於羅貫中，知其未嘗參考他書也。又其所列三十六人次序，與龔聖予贊大異。吳學究作吳用，花和尚無姓名，李應作李英，皆與今本不同，豈所見爲別一本耶。俞樾小浮梅閒話即曲閣雜錄之第三十八卷勸襲郎氏之說，引爲癸辛雜志，周密書名雜識，不名雜志，此亦襲郎氏之誤。則又夢中說夢矣。今故列郎氏所載三十六人姓名於表，資參考焉。

胡應麟少室山房筆叢卷四十一莊嚴談下 世所傳宣和遺事極鄙俚，然亦是勝國時間閭俗說。中有南儒及省元字面。又所記宋江三十六人，盧俊義作李俊義，楊雄作王雄，關勝作關必勝，自餘俱小不同。

案元有漢人南人之分，宣和遺事引南儒詠史詩，一在前集上清寶鑑宮成後，一在後集欽宗悔不用韓師道之言後。固似元人之語。若省元則正是宋時進士第一人之稱。宋制試進士於禮部，謂之省試，其奏名第一者，謂之省元。文獻通考卷三十選舉考云，『開寶八年，覆試禮部貢院合格舉人王式等於講武殿內，以王嗣宗爲首。蓋自是年始有殿試省試之分，省元狀元之別

云』，可以爲證。謂之省者，宋之禮部，屬尙書省也。明無尙書省，故稱舉人之試於禮部爲會試，中式之第一名爲會元。應麟因不解省元之稱，誤以爲行中書省之省，遂認爲元人語矣。宣和遺事引呂省元宣和講篇，在續集卷末

中有『全燕之地，我太祖太宗百戰而不能取』云云，明是宋人手筆。而通考卷三十三所載有宋一代省元姓名

，並無姓呂之人，頗爲疑竇。考愛日精廬藏書志卷二十，有舊鈔本皇朝大事記，首題『黃甲省元肇慶府學教授

溫陵呂中講義』。中爲淳祐七年進士，

見黃虞稷

是年省元爲馬廷鸞。蓋流俗好詔，稱人每逾其分，故於登進士第

者率稱爲省元，不必真第一人也。宣和講篇，即大事記講義之一篇，

呂中大事記，今尙有傳鈔本，余未之見，當求其書考之。

安得因此指遺事

爲元人書乎。遺事全書皆作宋人口吻，陳泰序所引來時三十六，歸時十八雙，陸友仁詩所言碣石村，

見宋江條

皆見

於書中。可見元初已盛行。惟其兩引南儒詩，疑出於國亡以後遺民之手耳。

王士禛居易錄卷二十四 宋張忠文公招安梁山漂榜文云，『有赤身爲國不避兇鋒拏獲宋江者，賞錢萬萬貫，雙執花

紅，拿獲李進義者，賞錢百萬貫，雙花紅，拏獲關勝呼延綽柴進武松張清等者，賞錢十萬貫花紅，拏獲董平李進者

，賞錢五萬貫有差』。今關葉子戲，有萬萬貫千萬貫百萬貫花紅遞降等采，用叔夜榜文中語也。

按張叔夜榜文，不知見於何書，王氏既未引書名，余徧考之，終不得其出處。榜文於三十六人中，臚舉九人姓

名，盧俊義作李進義，呼延灼作呼延綽，與宣和遺事合。關勝不作關必勝，張清不作張青，與臚聖與贊合。惟

李進不見於他書，豈李達之誤歟。使此榜果出於叔夜，則梁山漂史料之可信者孰過於此。然余有疑焉者，宋時

官司尋常懸賞告捕，多不過數千貫。仁宗時，趙元昊反，天下騷動，陝西經略使夏竦揭榜塞上，購元昊頭，纔

五百萬貫。見孔平仲談苑卷一徽宗時，方臘反，僭號改元，朝廷降御筆賞格，募生擒或殺獲方十三者，僅白身補橫行防禦

使，銀絹各一萬匹兩，錢一萬貫，金五百兩。

見續通鑑長編紀事本末卷百四十一

紹興十年，金人渝盟，招募有能生擒兀朮者，亦

不過除節度使，賜銀帛五萬匹兩，田千頃，宅一區而已。

見繫年要錄卷一百三十五

今宋江等以區區水泊之盜，聲勢尙遠不及

方臘，而賞錢竟高出夏皇帝金四太子數十倍不止，何其輕重不倫之甚也。且北宋皇祐治平間，天下歲入僅一億

萬以上，

此據宋史卷一百七十九食貨志及文獻通考卷二十四引曾鞏議經費。考李心傳野史紀年卷十四，謂「混一之初，天下歲入總錢千六百餘萬，其後日增月廣，至熙寧間，合苗役易稅等錢，所入乃至六千餘萬」，與此不同。

徽宗時歲入總額

不可知，第就宣和元年諸路上供錢物計之，纔一千五百四萬二千四百一十四貫正兩耳。

此據通考卷二十三引止齋陳氏所列諸路總數總計之如此。

若挈獲宋江一人之賞錢，便至萬萬貫，是已抵仁英兩朝一歲之收入，而罄當時天下上供之錢，尙不足償其五分

之一也。古今寧有此政體。堂堂官府榜文，豈葉子格兒戲之比乎。此必明季委巷不學之徒，不諳典故，造作語

言，漁洋不考而誤載之。所謂「俗語不實，流爲丹青」者也。

續通俗篇卷三十七

癸辛雜志

當作識

載龔聖予三十六人贊，備列名號，較小說多孫立，晁蓋，無公孫勝，林冲；其

吳學究不著名；尺八腿，一直撞，綽號大異；鐵鞭先鋒，賽關索，金鎗班，小異；先後次序尤多不同。宣和遺事盧

俊義作李俊義，楊雄作王雄，關勝作關必勝，并載花石綱等事，皆似是水滸事本，而呼保義等號無之。

案黃刻本及活字本宣和遺事三十六人，皆有綽號，且云，「宋江看了人名，末後有一行字寫道，「天書付天罡

院三十六員猛將，使呼保義宋江爲帥」，則并宋江綽號亦明著之矣。不識翟氏何以云然。

俞樾茶香室叢鈔卷十七 癸辛雜識載龔聖予作宋江等三十六人贊，名號與世所傳，小有異同。鐵天王今作托塔天王

，然其贊有頑鐵鑄汝之句，則當時固作鐵矣。尺八腿，一直撞，亦與今異。

按龔氏此條尙不誤，與其所著小浮梅閒語，直抄七修類彙者不同。然亦似未見宣和遺事者，可怪也。

宋江三十六人名號次第異同表

余初取宣和遺事，襲舉與贊，水滸傳，七修類藁，製爲此表，既脫藁，將付印矣。孫君子書示我以周憲王誠齋樂府豹子和尙白還俗雜劇，大致與宣和遺事同而次第不合，其綽號姓名，亦復小異，遂取原表，增入誠齋樂府一闕，備參考焉。凡各書名號與水滸傳不同者，字旁以一圓識之。

宣和遺事	聖與贊	水滸傳	誠齋樂府	七修類藁
呼保義 宋江 不在三十六人內	一呼保義	宋江	一呼保義	宋江
一智多星吳加亮	二智多星吳學究	三智多星吳用	一智多星吳加亮	三吳用
二玉麒麟李進義	三玉麒麟盧俊義	二玉麒麟盧俊義	三玉麒麟李進義	四盧俊義
三青面獸楊志	廿六青面獸楊志	十七青面獸楊志	四青面獸楊志	廿五楊志
四混江龍李海	十六混江龍李俊	廿六混江龍李俊	五混江龍李海	十八李俊
五九紋龍史進	十七九紋龍史進	廿三九紋龍史進	七九紋龍史進	六史進
六入雲龍公孫勝	無	四人雲龍公孫勝	八入雲龍公孫勝	無
七浪裏白跳張順 黃刻作白條此從活字本	十浪裏白跳張順	三十浪裏白跳張順 白跳通行本作白條此從明本	九浪裏白跳張順 白不作百	十五張順
八霹靂火秦明	十九霹靂火秦明	七霹靂火秦明	十一霹靂火秦明	廿秦明
九活閻羅阮小七	五活閻羅阮小七	卅一活閻羅阮小七	十活閻羅阮小七	十阮小七

十立。 地太歲。阮小五	廿五立。 地太歲。阮小五	廿九短命二郎阮小五	十二立。 地太歲。阮小五	九阮小五
十一短命二郎阮進。 本書又作阮通	十二短命二郎阮小二	廿七立地太歲阮小二	十三莽二郎阮進。 短命作莽	八阮小二
十二大刀關勝。 本書又作關勝	四大刀關勝	五大刀關勝	十四大刀關勝	五關勝
十三豹子頭林冲	無	六豹子頭林冲	十五豹子頭林冲	無
十四黑旋風李逵	廿黑旋風李逵	廿二黑旋風李逵	六黑旋風李逵	廿一李逵
十五小旋風柴進	廿一小旋風柴進	十小旋風柴進	十六小旋風柴俊。 進作俊	七柴進
十六金槍手徐寧	卅五金槍班徐寧	十八金槍手徐寧	十七金槍手徐寧	卅三徐寧
十七撲天雕李應	卅六撲天雕李應	十一撲天雕李應	十八撲天雕李應	卅四李英
十八赤髮鬼劉唐	六尺八腿劉唐	廿一赤髮鬼劉唐	十九赤髮鬼劉唐	十一劉唐
十九一擡直董平	廿八一擡直董平	十五雙槍將董平	廿一擡直董平	廿七董平
廿插翅虎雷橫	廿二插翅虎雷橫	廿五插翅虎雷橫	廿一插翅虎雷橫	廿二雷橫
廿一美髯公朱仝	卅美髯公朱仝	十二美髯公朱仝	廿二美髯公朱仝。 同作彤	卅朱仝
廿二神行太保戴宗	廿三神行太保戴宗	廿神行太保戴宗	廿三神行太保戴宗	廿三戴宗
廿三賽關索王雄	廿七賽關索楊雄	卅二病關索楊雄	廿四賽關索王雄	卅六楊雄
廿四病尉遲孫立	九病尉遲孫立	在地煞內姓名號皆同	廿五病尉遲孫立	十四孫立

廿五小李廣花榮	十八小李廣花榮	九小李廣花榮	廿六小李廣花榮	十九花榮
廿六沒羽箭張青。	七沒羽箭張清	十沒六羽箭張清	廿七沒羽箭張青。	十二張青。
廿七沒遮欄穆橫。	卅一沒遮欄穆橫。	廿四沒遮欄穆弘	廿八沒遮欄穆橫。	卅一穆橫。
廿八浪子燕青	八浪子燕青	卅六浪子燕青	廿九浪子燕青	十三燕青
廿九花和尚魯智深	十三花和尚魯智深	十三花和尚魯智深	花和尚魯智深	卅五花和尚
卅行者武松	十四行者武松	十四行者武松	卅二行者武松	卅六武松
卅一鐵鞭呼延綽。	十五鐵鞭呼延綽。	八雙鞭呼延灼	卅鐵鞭呼延綽。	廿二呼延綽。
卅二急先鋒索超	廿四急先鋒索超	十九急先鋒索超	卅一急先鋒索超	卅四索超
卅三拚命二郎石秀	卅二拚命三郎石秀	卅三拚命三郎石秀	卅三拚命二郎石秀	卅二石秀
卅四火船工張峯。	十一火船兒張橫	廿八火船兒張橫	卅四火船工張峯。	十六張橫
卅五摸着雲杜千。	無	在地煞內作摸着天杜遷	卅五摸着雲杜遷	無
卅六鐵天王晁蓋	卅四鐵天王晁蓋	在天罡地煞外作托塔天王	二鐵大王晁蓋	二晁蓋
一文青李橫	無	在地煞內別有一文青	無	無
卅九兩頭蛇解珍	卅四兩頭蛇解珍	無	無	廿八解珍
卅二雙尾蝎解寶	卅五雙尾蝎解寶	無	無	廿九解寶